

SEMAKIN MATANG

» Ketiadaan **insiden serius bukti mahasiswa suburkan prinsip demokrasi dalam pemilihan MPP**

Oleh Basir Zahrom
basir_zahrom@bh.com.my

■ Kuala Lumpur

Pemilihan Majlis Perwakilan Pelajar (MPP) bagi sesi 2014/2015 secara keseluruhannya berjalan lancar di semua institusi pengajian tinggi awam (IPTA) yang menyaksikan pembentukan ‘kabinet’ sudah berlangsung di beberapa universiti setakat ini.

Insiden kecil seperti vandalsme dan dakwaan sabotaj ketika tempoh berkempen di se-setengah IPTA tidak menjasakan proses pengundian sama

ada yang dilaksanakan secara manual maupun melalui sistem komputer.

Ketiadaan kes berat dilaporkan berlaku pada pemilihan kali ini secara langsung memperlihatkan peningkatan tahap kematangan mahasiswa menyuburkan prinsip demokrasi dalam menentukan pemberian mandat kepemimpinan pelajar di IPTA.

Mengulas perkara itu, Timbalan Naib Canselor (Hal Ehwal Pelajar dan Alumni) Universiti Putra Malaysia (UPM), Prof Datuk Dr Mohammad Shatar Sabran, berkata calon bertanding memfokus kepada kepentingan isu dalaman, terutama kebajikan pelajar tanpa membawa elemen politik luar ketika berkempen.

Pemimpin pelajar perlu komited laksana **amanah**

● Dari muka 1

Beliau berkata, kematangan itu disebabkan kesedaran calon mengenai peranan sebenar yang perlu dimainkan sebagai pemimpin pelajar sekiranya berjaya meraih kepercayaan pengundi.

“Mereka perlu menunjukkan nilai sahsiah tinggi kerana rakan mahasiswa kini bijak menilai calon yang bertanding sama ada layak mendapat undian mereka ataupun sebaliknya.

“Biarpun peratusan pelajar mengundi di IPTA secara keseluruhan belum mencapai tahap maksimum, kesedaran calon dan mahasiswa terhadap isu dalaman universiti masing-masing dilihat semakin tinggi.

“Tambah pula, faktor cuaca dan musim peperiksaan turut menjadi punca kemerosotan peratusan mahasiswa mengundi walaupun sudah diberi pengecualian kuliah,” katanya ketika dihubungi BH Varsiti, baru-baru ini.

Terjemahkan kematangan

Prof Mohammad Shatar berkata, calon diamanahkan mandat anggota MPP perlu terus komited memperjuangkan isu mahasiswa dan memainkan peranan sebagai jambatan antara pihak pengurusan universiti dengan pelajar, sekali gus menterjemahkan kematangan melalui kepemimpinan mereka.

Ditanya mengenai tindakan segelintir mahasiswa mengheret pengaruh politik luar ke dalam kampus pula, katanya, perkara itu tidak sepatut berlaku sehingga

mendorong perlakuan melanggar peraturan universiti.

Ketika mendaftar kemasukan di menara gading, beliau berkata, mahasiswa sudah diberi pendedahan dan penerangan mengenai peraturan ditetapkan sebelum mereka berikrar untuk mematuhiinya.

“Tiada sesiapa memaksa mereka untuk memasuki IPTA, justeru apabila sudah bersetuju dengan semua syarat kemasukan mereka perlu akur dengan peraturannya.

“Peraturan ditetapkan



Prof Mohammad Shatar

pun bukanlah untuk menganiayai mahasiswa tetapi sebagai panduan supaya mereka menjadi insan berakhlik tinggi dan cemerlang dalam akademik sebagaimana hasrat Kementerian Pendidikan,” katanya.